

The Electronic *Manipulus florum*
www.manipulusflorum.com

Correctio ai
cum fontibus proximo et primo

Que est ista iusticie inimica bonitas,
palpare criminosos et uulnra eorum
usque ad diem iudicii incurata seruare?
Quod si eos durissimam penitenciam
per plures annos uideremus agere,
tunc nos et saluti eorum possemus consulere
et statuta canonum deberemus temperare.
Cum uero aliquibus
non compunctio humilitatis,
nec instancia operandi appareat,
nec beatum Dauid imitentur qui dicit:
Lauabo per singulas noctes,
lachrimis meis stratum meum rigabo,
et illud: Cinerem tanquam panem manducabam
et potum meum cum fletu et cetera,
nec eos ieuniis et lectionibus uacare uideamus,
possumus agnoscere,
si ad primos gradus uel honores redirent,
cum quanta negligencia et cum quanto torpore
et inimica sue anime securitate permanerent.

Ieronymus in quadam epistola.

Que est ista iusticiae inimica bonitas,
palpare criminosos, et uulnra eorum
usque ad diem iudicii incurata seruare?
Quod si eos durissimam penitenciam
per plures annos uideremus agere,
tunc nos et saluti eorum possemus consulere,
et statuta canonum deberemus temperare.
Cum uero in aliquibus
nec compunctio humilitatis,
nec instancia orandi appareat,
nec beatum Dauid imitentur, qui dicit:
„Lauabo per singulas noctes lectum meum;
lacrimis meis stratum meum rigabo;“
et illud: „Cinerem tamquam panem manducabam,
et potum meum cum fletu miscebam;“
nec eos ieuniis uel lectionibus uacare uideamus,
possumus agnoscere,
si ad pristinos gradus uel honores redirent,
cum quanta negligentia et cum quanto torpore
et inimica suae anime securitate permanerent,
credentes, quod sic eis
non acta digna penitencia dimiserit Deus,
quomodo sacerdotes indulsisse uidentur.

Gratianus, *Decretum*, 1.50.29 (*Corpus iuris canonici* 1, A. Friedberg ed., col.190-1).

Quae est ista justitiae inimica benignitas,
palpare criminosos, et vulnera eorum
usque ad diem judicii incurata servare?
Quod si etiam durissimam eos poenitentiam
per plures annos agere videremus,
sic nos ipsi et saluti eorum consulere,
et canonum deberemus statuta servare.
Cum vero in aliquibus
nec compunctionis humilitas,
nec instantia orandi vel plangendi appareat,
nec B. David imitentur, qui dixit:
Lavabo per singulas noctes lectum meum,
lacrymis meis stratum meum rigabo (Psal. vi);
et illud: Cinerem sicut panem manducabam,
et potum meum cum fletu miscebam (Psal. ci),
nec eos jeuniis uel lectioni vacere videamus;
possumus cognoscere,
si ad honorem pristinum redierint,
cum quanta negligentia et cum quanto tempore
et inimica anime securitate permaneant,
credentes quod sic eis
non acta digne poenitentia dimiserit Deus,
quomodo sacerdotes indulsisse uidentur.

Auctor incertus (Joannes II papa?), *Canones Gallicani* (PL 66, col.30A-B).